

**JU ZAVOD ZA HITNU
MEDICINSKU POMOĆ
KANTONA SARAJEVO
Direktor Zavoda
Broj:01- 33418/18-3
Datum: 24.10.2018.godine**

Na osnovu člana 64. stav 1. tačka a), člana 70. st. 1, 3. i 6. Zakona o javnim nabavkama („Službene novine BiH“, broj 39/14), na preporuku Komisije za javnu nabavku medicinske opreme broj: 01-33418/18-2 od 22.10.2018.godine, u postupku javne nabavke medicinske opreme Lot 4- pet /5/ glavnih samoutovarnih kolica, direktor Zavoda je donio

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku medicinske opreme Lot 4- 5 /pet/ glavnih samoutovarnih kolica, broj: 01-33418/18-2 od 22.10.2018.godine i ugovor za javnu nabavku pet glavnih samoutovarnih kolica, dodjeljuje se ponuđaču INEL BH d.o.o, ponuda broj: AB-P-766/18, zaprimljena na protokol Zavoda broj 33405 člana 12.10.2018.godine za ponuđenu cijenu od 97.500,00 KM, bez PDV-a, kao najbolje ocijenjenom.

Član 2.

Prijedlog ugovora o nabavci dostavit će se na potpis izabranom ponuđaču INEL BH d.o.o po isteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba pravnih i kadrovskih poslova.

Član 4.

Ova odluka objavit će se na web-stranici www.hitnaks.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-32935/18-1 od 19.9.2018.godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 98.252,14 KM.

Obavještenje o nabavci broj: 39-1-1-131-3-53/18 poslato je na objavljivanje dana 21.9.2018. godine, a objavljeno je na Portalu javnih nabavki dana 21.9.2018. godine, sažetak obavještenja o nabavci objavljen je u „Sl. glasniku BiH“, broj 67 od 28.9.2018.godine.

Komisija za javnu nabavku imenovana je Odlukom broj: 01-32935/18-2 od 21.9.2018. godine.

Komisija za javnu nabavku dostavila je dana 22.10.2018. godine izvještaj o radu broj: 33418/18 od 12.10.2018. godine, izvještaj o ocjeni ponuda broj: 33418/18-1 od 22.10.2018. godine i Preporuku o izboru najpovoljnijeg ponuđača broj:33418/18-3 od 22.10.2017. godine, u postupku javne nabavke pet glavnih samoutovarnih kolica.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2;
- da su blagovremeno zaprimljene 2 ponude;
- da su neblagovremeno zaprimljene 0 ponuda;
- **da je ponuda ponuđača INEL BH d.o.o prihvatljiva;**
- **da ponuda ponuđača DERBY TRADE d.o.o nije prihvatljiva.**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

| Naziv / ime ponuđača | | Ukupna cijena ponude |
|----------------------|---------------|----------------------|
| 1. | INEL BH d.o.o | 114.075,00 KM |

Izabrani ponuđač INEL BH d.o.o je izabran primjenjujući kriterij najniže cijene, koja je ponuđena u iznosu 114.075,00 KM sa PDV-om. Ponuđač DERBY TRADE d.o.o je dostavio ponudu u iznosu od 66.988,35 KM sa PDV-om, međutim ponuda ponuđača DERBY TRADE d.o.o nije prihvatljiva iz razloga što tehničke karakteristike ponuđenih samoutovarnih kolica ne odgovaraju traženoj tehničkoj specifikaciji ovog Ugovornog organa u dijelu :

- glavni ram je izrađen od nehrđajućeg čelika (traženo da je glavni ram izrađen od aluminijuma)
- 45 kg težina samoutovarnih nosila (traženo da je težina kolica maksimalno 37 kg)

Iz navedenih razloga, primjenom člana 64. stav 1. (najniža cijena) Zakona o javnim nabavkama odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Dostaviti:

- Ponuđaču: INEL BH d.o.o
- Ponuđaču: DERBY TRADE d.o.o
- Arhiva